

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) i Ligjit për mbrojtjen e konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 53/16 dhe 83/18), si dhe në bazë të njoftimit për përqendrim i parashtruar nga Junajted Media S.a.r.l. me seli të regjistruar në Bulevardin Pjer Friden 43, L - 1543, Luksemburg, dorëzuar përmes Bozhidar Millosheviq, avokat nga Shkupi, në seancën e mbajtur më **17.03.2021**, mori këtë:

AKTVENDIM

Vërtetohet se përqendrimi me të cilin **Junajted Media S.a.r.l.** me seli të regjistruar në Bulevardin Pjer Friden 43, L - 1543, Luksemburg fiton kontroll të pavarur mbi **Regional, media digjitale d.o.o.** me seli të regjistruar në adresën, Shkocjan 35/e, 6000 Koper, Slloveni dhe **Tovarna sanj, agjenci mediatike d.o.o.** me seli të regjistruar në adresën, Shkocjan 35/e, 6000 Koper, Slloveni, megjithëse bie nën dispozitat e Ligjit për mbrojtjen e konkurrencës nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës thelbësore të tij, veçanërisht si rezultat i krijimit ose forcimit të pozitës dominuese të pjesëmarrësve dhe **është në pajtim me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

Parashtruesi i njoftimit për përqendrim obligohet të paguaj taksë administrative për njoftimin e përqendrimin në shumë prej 6 000,00 den. si dhe për Vendimin në shumën prej 30.000,00 den, sipas numrit tarifor 34 të Ligjit për taksë administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 и 95/05, 7/06, 70/06, 92/07, 88/08, 130/08, 6/10, 145/10, 17/11) në llogarinë e Buxhetit të Republikës së Maqedonisë së Veriut nr. 100000000063095, llogaria e pagesës 840.....03161, kodi i të ardhurave dhe programi 72231300.

Padia për ngritjen e kontestit administrativ nuk e prolongon zbatimin e aktvendimit.

Arsyetim

Në pajtim me nenin 15 të Ligjit për mbrojtjen e konkurrencës (në tekstin e më tutjeshëm: Ligjit), në Komisionin për Mbrojtjen e Konkurrencës (në tekstin e më tutjeshëm: Komisioni) më **22.02.2021** është dorëzuar një njoftim për përqendrim me të cilin **Junajted Media S.a.r.l.** me seli të regjistruar në Bulevardin Pjer Friden 43, L - 1543, Luksemburg fiton kontroll të pavarur mbi **Regional, media digjitale d.o.o.** me seli të regjistruar në adresën, Shkocjan 35/e, 6000 Koper, Slloveni dhe **Tovarna sanj, agjenci mediatike d.o.o.** me seli të regjistruar në adresën, Shkocjan 35/e, 6000 Koper, Slloveni, duke marrë 100% të pjesëve.

Komisioni filloi shqyrtimin e Njoftimit nga dita e pranimit të tij dhe në bazë të dhënave të paraqitura në Njoftimin për përqendrim dhe shtojcat e tij, konstatoi si në vijim:

Aktivitetet themelore të biznesit të ndërmarrjeve të përfshira:

Junajted Media S.a.r.l. është tërësisht në pronësi të fondeve të këshilluara nga BC Partners LLP, një fond ndërkombëtar i investimeve me seli në Londër. Fondet BC janë ekskluzivisht investitorë financiarë d.m.th. nuk janë të përfshirë në aktivitetet e përditshme të biznesit të kompanisë në të cilën ata investojnë, të menaxhuar nga bordet e tyre të drejtorëve. BC Partners janë të regjistruar dhe të pranishëm në Republikën e Maqedonisë së Veriut nëpërmjet shoqërive të varura si në vijim:

- Total TV SHPK Shkup, me seli të regjistruar në Bulevardin VMRO nr. 3, Qendër, Shkup, e cila merret me shpërndarjen e përmbajtjes mediatike përmes platformës teknike DTH, dhe

- Direct Media SHPKNJP Shkup, me seli të regjistruar Orce Nikollov 68/3, Qendër, Shkup, e cila merret me aktivitete të marketingut.

Regional, media digjitale d.o.o. dhe **Tovarna sanj, agjenci mediatike d.o.o.** kanë filluar aktivitete biznesi rreth portalit të internetit në vitin 2012, me idenë e prezantimit të përmbajtjes në pjesët bregdetare të Sllovenisë. Fokusi i tyre është promovimi i bashkëpunimit rajonal, prezantimi i vlerave pozitive, suksesi dhe arritjet e qytetarëve që jetojnë në pjesën bregdetare të Sllovenisë.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht do të përcaktojë se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do të ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij, veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

Udhëzim për mjetin juridik

Kundër këtij aktvendimi mund të parashtrohet padi për ngritje të kontestit administrativ në Gjykatën Administrative në afat prej 30 ditësh nga dita e dorëzimit të tij.

KRYETAR
I KOMISIONIT PËR MBROJTJEN E KONKURRENCËS
Prof. Dr. Vlladimir Naumovski